

Hos continet Comitatus, Eboracum, Lincolniam, Derbiam, Staffordiam, Nottinghamiam, Lecestriam, Rutlandiam, & Norfolciam.

Ager Eboracensis. **S**uccedit explicanda quinta Tabula Angliæ, in qua primo loco *Ager Eboracensis* vulgo *Yorkshire*, totius Angliæ Provincia longe maxima, occurrit. Ab Occasu, Montibus, Lancastrensi agro & Westmorlandia, ab Arcto Dunelmensi Episcopatu terminatur: ab Ortu Oceano Germanico, ab Austro primum agro Cestrensi & Derbieni, inde Nottinghamiensi, & postea Lincolnienfi. Temperatæ hæc censetur ubertatis. Si hic saxosa vel arenosa sit sterilitas, illic lætissima arborum fecunditas, si hic silvis sit nuda, illic densissimis nemoribus obumbrata, ita provide temperante natura, ut ipsa regio etiam sua varietate gratior & lætior videatur. Est hic *Eboracum* vulgo *York* urbs totius Angliæ secunda, hujus regionis pulcherrima, quæ universæ Septemtrionali parti, & præsidio & ornamento est singulari. Amena, ampla, munita, ædificiis tam privatis, quam publicis exulta, opibus civibusque referta, Hanc *Urus* qui nunc *Ouse* intersecat, & quasi in duas urbes dividit, quæ lapideo ponte vastissimo conjunguntur. Sunt & *Kingston upon Hull*, *Danaster*, *Halyfax*, *Pontfreit*, *Shirborna*, *Wetherby*, *Kingston*, *Parrington*, aliaque opida plurima. Opida enim triginta novem & paræcias 459 in hoc Comitatu numero, quibus subsunt plurima facella magnis paræciis Incolarum multitudine comparanda. Potiora flumina sunt *Danus*, *Caldernus*, *Arus*, *Werfus*, *Nidus*, & *Ousa*, quæ ex limitaneis Montibus exorta, locis potioribus affunduntur. Sunt & alia, *Cokarus*, *Fossus*, *Derventio*, *Foulness*, *Hullus*, *Teyse*, *Dow*, *Rhie*, *Recal* & *Wiskus*. *Lincolnia* vulgo *Lincolnshire*, Regio amplissima, per sexaginta fere milliaria in longitudine jacet, latitudinē alicubi super triginta extendit. Ab Ortu Oceano Germanico pulsatur, a Septentrione ad *Abum* æstuarium pertinet, ab Occasu Nottinghamiam spectat, & a Meridie Wellando flu. a *Northantonia* discluditur. Regio alendis frugibus, & pascendis pecoribus mitissima, frumentariis campis, alibi, & pascuis admodum læta. Prima & præcipua hujus Comitatus civitas *Lincolnia*, Anglis *Lincolne*, Ptolemæo & Antonino *Lindum*. Urbs ipsa ampla & celebris collis dorso insidet, ubi *Withama* in Ortum se defleat. Sunt præterea opida *Stanford*, *Grantham*, *Ancafter*, *Croveland*, *Spalding*, *Boston* & alia. Suntque in hoc Comitatu Parochiæ plus minus 630. Crebris hæc regio fluviis rigatur qui sunt, *Wibam* Lucis fecundus, *Lud*, *Trenta*, *Wellandus*, *Idle*, *Danus*. Sequitur Provincia *Derbieni* vulgo *Derbshire*, quæ a Meridie agro Leicestrensi, ab Occasu Staffordienfi, a Septentrione Eboracensi, ab Ortu Nottinghamienfi clauditur, forma quasi triangulari, sed non æquilatera. In duas partes Derventione flumine intercurrente dividitur. Pars Orientalis & Meridionalis culta, fecunda & vivariis frequens. Occidentalis tota petrosa, Montibus & aspretis sterilefcit, plumbi tamen proventu opulenta, & Ovis pascendis satis commoda. Univerfi agri caput *Derby*, opidum celebre è juridicis conventibus pro universo agro, & cervisia quam coquit optima, Anglis *Ale* dicta.

Sunt